



graeffen Ernste vurgenant mitsampt uch andern darnach zcu forderungen, anspraielen und schryften komen byn von spannen und gebrechen, so ir danne zco myr meynent zcu haben und ich zcu uch, gelich unsir sendebrief undereynandir daz clerlichen begrieffent und usewisent, darumb ich mich uch vurgenant zcu eiren und rechte erboden gehabt und dezglichenisse zcu uch begeret und gefordert han, daz von uch nyt uffgenommen enist; darnach so bin ich mit uch allen viren vurgenant sementlich zco schriften und geboden komen als verre, daz ir mich vurgefordert und geheischen hant vur mynen hern von Trieren, kurtz dez ersten odir dez andern dages na giff uwirs brieffs, dabie doch wol zcuverstan ist uwer behelff, bedenckonge und vurnemen, als dat zcu siner zcyt ouch woil lutber werden mochte. Daruff han ich uch geantwort und den ussdrach der eren und des rechten uch erberlich, uffrichtig und gelymplich geboden vur den obgenanten mynen hern von Triere und ander fursten und daz zcu unverkurtzter, ouch zcu unverlengter. sondir zcu redelicher, billicher und mogelicher zcyt; das hait ir also in ure uffener versiegeltir schryfte gein myr uff genommen mit vil incogen, doch zcu uwere hern ob genant und urem furteil, damit ich mich dez gelymplich woil hette mogen intslaen, und bin dez doch mit uch in den ussdrach gehangen na lude myner schryfte, und vur dieselben ir dez legert und mir in uwere schryft benant und zugesagit hait. Darubir und na der zcyt uch solliche mynre leste untwort wurden ist, syt ir myns vihande wurden; und rurent ir denselben uweren vedebrieffen dieselbe forderunge, darumb ir mich ersucht hait gehabt und zcu den geboden komen und dez usstragis zcu eren und rechte schriftlich vereyniget sin; hiebie ist woil zcuverstaen, wie ir uch gerne mit hohen worten und behendir vurtelschryft viel gelymps schelpen und zcuzechien wolt, da da doch nyt viel endelichs noch verfenchichs na erfolget; und beduncket mich, daz ir myr derselbin uwir rechtgebot uud usstragis zcu der eren und deme rechten vurfluchtig werdet, dabie dat yr sullichs als angestalt ist und ir uweren usstrach umb mit mir wirsent mit veden gen mich zcu hanthaben vurnement in uweren vedebrieffen. Und hiemit brengent ir mich darzcu, dat ich sollichs und anders, wie ir mit den von Arle umgangen hait und myr mee zcu uch von myns amptz odir myns selbst wegen gebresten ist, von uch schrieffen und clagen wille an die fursten, ir mir zcu deme ustrage genant hatten zco bidden, andern fursten, hern, frauwen, ritterschaft und stede, wo ich weis, ir daz noede hait, bis zcu der zcyt ir den von Arle und mir keronge und wandil gedoet, dez uns von uch geschyt und zcu uch anligende und gebresten ist. Uwir mutwilliger, unbillicher veeden mir zcuschriben byn ich getroist und hoffen mich, so ich best mag, der mit Gotz helfen zcu erwerben. Urkunde